

Na osnovu člana 16. stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 45. Zakona o izvršenju Budžeta Zeničko-dobojskog kantona za 2016. godinu (“Službene novine Zeničko-dobojskog kantona”, broj: 2/16 i 12/16 ), Vlada Zeničko-dobojskog kantona, na 92. sjednici, održanoj 04.04.2017. godine, d o n o s i

## **ZAKLJUČAK**

**o usvajanju Izvještaja o utrošku budžetskih sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614300, pozicija „Tekući transferi neprofitnim organizacijama“ za period januar-decembar 2016. godine**

### **I**

Usvaja se Izvještaj o utrošku budžetskih sredstava planiranih u Budžetu Zeničko-dobojskog kantona za 2016. godinu («Službene novine Zeničko-dobojskog kantona» broj: 2/16 i 12/16), na razdjelu 21-Ministarstvo zdravstva, budžetskoj organizaciji 01, potrošačkoj jedinici 0001, ekonomski kod 614300- pozicija „Tekući transferi neprofitnim organizacijama“ za period januar – decembar 2016. godine, koji čini sastavni dio ovog zaključka.

### **II**

Zaključak stupa na snagu danom donošenja.

Broj: 02-\_\_\_\_\_/17.  
Datum, 04.04.2017. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo zdravstva,  
1x Ministarstvo finansija,  
1x a/a.



## *IZVJEŠTAJ*

**O UTROŠKU BUDŽETSKIH SREDSTAVA NA RAZDJELU 21-  
MINISTARSTVO ZDRAVSTVA, BUDŽETSKA ORGANIZACIJA 01,  
POTROŠAČKA JEDINICA 0001, EKONOMSKI KOD 614300, POZICIJA  
„TEKUĆI TRANSFERI NEPROFITNIM ORGANIZACIJAMA  
ZA PERIOD JANUAR-DECEMBAR 2016. GODINE**

Zenica, mart 2017. godine

## 1. Uvod

Vlada Zeničko-dobojskog kantona je, u skladu sa članom 33. i 45. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj 2/16 i 12/16, na prijedlog Ministarstva zdravstva donijela:

- Zaključak o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614300-„Tekući transferi neprofitnim organizacijama“ Budžeta Zeničko-dobojskog kantona za 2016. godinu (Zaključak broj: 02-14-8656/16 od 19.04.2016. godine).

Ukupno planirana sredstva po osnovu tekućih transfera neprofitnim organizacijama u Budžetu Zeničko-dobojskog kantona za 2016. godinu iznose kako slijedi:

Ekon. kod	Subanalitika	Tekući transferi neprofitnim organizacijama	Budžet 2016.	Izmjenjeni Budžet 2016.
614300	LAX 001	Tekući transfer za nabavku vakcina	63.000,00	42.000,00
614300	LAX 002	Tekući transfer za deratizaciju	85.500,00	85.500,00
614300	LAX 004	Tekući transfer udruženjima – dobrovoljno darivanje krvi	9.000,00	9.000,00
614300	LAX 005	Tekući transfer za Kantonalni zavod za bolesti ovisnosti	108.000,00	108.000,00
614300	LAX 007	Tekući transfer za Kantonalni zavod za medicinu rada i sportsku medicinu	22.500,00	22.500,00
614300	LAX 008	Tekući transfer za Institut za zdravlje i sigurnost hrane Zenica	22.500,00	22.500,00
614300	LAX 011	Tekući transfer za Kantonalni zavod za medicinu rada i sportsku medicinu-zdravstvena zaštita sportaša	63.000,00	63.000,00
614300		Transfer domovima zdravlja za mrtvozorstvo	50.000,00	10.000,00
	<b>Ukupno</b>		<b>423.500,00</b>	<b>362.500,00</b>

U članu 45. Stav 4 Zakona o izvršavanju Budžeta Zeničko-dobojskog kantona za 2016. godinu, propisana je obaveza organa uprave, odnosno upravnih organizacija da polugodišnje izvještavaju Vladu Zeničko-dobojskog kantona o utrošenim sredstvima po programima tekućih transfera.

## 2. Utrošak sredstava po osnovu „Tekućih transfera neprofitnim organizacijama“

Ukupni rashodi po osnovu tekućih transfera neprofitnim organizacijama u 2016. godini iznose 350.742,15 KM ili 96,8 % ukupno planiranih sredstava Budžetom Zeničko-dobojskog kantona za 2016. godinu za ove namjene, a u odnosu na prethodnu godinu su veći za 28.618,00 KM.

U sljedećoj tabeli dat je pregled utroška po pojedinim tekućim transferima:

Naziv transfera		Planirano	Utrošeno	% realizacije
1	Tekući transfer za nabavku vakcina	42.000,00	40.242,15	95,8
2	Tekući transfer za deratizaciju	85.500,00	85.500,00	100,0
3	Tekući transfer udruženjima –dobrovoljno darivanje krvi	9.000,00	9.000,00	100,0
4	Tekući transfer za Kantonalni zavod za bolesti ovisnosti	108.000,00	108.000,00	100,0
5	Tekući transfer za Kantonalni zavod za medicinu rada i sportsku medicinu	22.500,00	22.500,00	100,0
6	Tekući transfer za Institut za zdravlje i sigurnost hrane Zenica	22.500,00	22.500,00	100,0
7	Tekući transfer za Kantonalni zavod za medicinu rada i sportsku medicinu-zdravstvena zaštita sportaša	63.000,00	63.000,00	100,00
8	Transfer domovima zdravlja za mrtvozorstvo	10.000,00	-	-
<b>Tekući transferi (grantovi) - U k u p n o</b>		<b>362.500,00</b>	<b>350.742,15</b>	<b>96,8</b>

### 2.1 Tekući transfer za nabavku vakcina (ekonomski kod 614300, subanalitika LAX 001)

Ukupno utrošena sredstva za **nabavku vakcina u 2016. godini** iznose 40.242,15 KM, a odnose se na nabavku 800 doza vakcina protiv bjesnila (Verorab) u vrijednosti 33.228,00 KM (Ugovor Instituta za zdravlje i sigurnost hrane Zenica i „Pharma-Maac“ d.o.o. Sarajevo) i 550 doza vakcine protiv virusa gripe za sezonu 2016/2017 u vrijednosti 7.014,15 KM (Ugovor Instituta za zdravlje i sigurnost hrane sa „Pharma-Maac“ d.o.o. Sarajevo). Treba napomenuti da je prvobitno Programom potrošnje bila planirana i nabavka humanog antirabičnog imunoglobulina, ali isti nije nabavljen zbog prisutnih problema na tržištu Bosne i Hercegovine, jer niko od uvoznika u 2016. godini nije uvezo humani antirabični imunoglobulin.

## **2.2. Tekući transfer za deratizaciju (ekonomski kod 61430, subanalitika LAX 002)**

Ukupni troškovi po osnovu tekućeg transfera za deratizaciju u 2016. godini iznose 85.500,00 KM, što je u nivou sredstava planiranih Budžetom Zeničko-dobojskog kantona za 2016. godinu. Vlada Zeničko-dobojskog kantona je Zaključkom broj: 02-37-11260/16 usvojila Program provođenja proljetne faze obavezne **preventivne sistematske deratizacije** na području Zeničko-dobojskog kantona u 2016. godini i Odlukom broj: 02-14-11261/16 odobrila sredstva u iznosu od 42.750,00 KM za provođenje obavezne preventivne sistematske deratizacije. Ministarstvo zdravstva je donijelo Naredbu o provođenju obavezne preventivne sistematske deratizacije na području Zeničko-dobojskog kantona – proljetna faza 2016. godine (Naredba broj: 11-37-11260-1/16 od 10.06.2016. godine). Institut za zdravlje i sigurnost hrane Zenica, po okončanju poslova proljetne deratizacije, je podnio Izvještaj o obavljenoj proljetnoj fazi deratizacije, koji je Vlada usvojila Zaključkom broj: 02-37-16800/16 od 16.10.2016. godine.

Vlada Zeničko-dobojskog kantona je Zaključkom broj: 02-37-16801/16 usvojila Program provođenja jesenje faze obavezne **preventivne sistematske deratizacije** na području Zeničko-dobojskog kantona u 2016. godini i Odlukom broj: 02-37-17087/16 odobrila sredstva u iznosu od 42.750,00 KM za provođenje obavezne preventivne sistematske deratizacije. Ministarstvo zdravstva je donijelo Naredbu o provođenju obavezne preventivne sistematske deratizacije na području Zeničko-dobojskog kantona – jesenja faza 2016. godine (Naredba broj: 11-37-16801-1-1/16 od 21.10.2016. godine). Institut za zdravlje i sigurnost hrane Zenica, po okončanju poslova jesenje deratizacije, je podnio Izvještaj o obavljenoj jesenjoj fazi deratizacije, koji je Vlada usvojila Zaključkom broj: 02-37-21401/16 od 29.12.2016. godine.

## **2.3. Tekući transfer udruženjima-dobrovoljno darivanje krvi (ekonomski kod 61430, subanalitika LAX 004)**

Vlada Zeničko-dobojskog kantona je Zaključkom broj: 02-14-21407/16 od 29.12.2016. godine odobrila sredstva u iznosu od 9.000,00 KM Crvenom križu Zeničko-dobojskog kantona za podršku organizovanim akcijama dobrovoljnog darivanja krvi u 2016. godini. Navedena sredstva će biti transferisana u 2017. godini. Prema Izvještaju Crvenog križa Zeničko-dobojskog kantona za 11 mjeseci je provedeno 74 akcija dobrovoljnog darivanja krvi u svim općinama Kantona, pri čemu je prikupljeno ukupno 2859 doza krvi i 420 doza je prikupljeno u pojedinačnim davanjima, odnosno ukupno 3279 doza krvi.

## **2.4. Tekući transfer za Kantonalni zavod za bolesti ovisnosti (ekonomski kod 614300, , subanalitika LAX 005)**

Ukupni troškovi po osnovu **Tekućeg transfera za Kantonalni zavod za bolesti ovisnosti** iznose 108.000,00 KM, što je u visini godišnjeg budžeta i koriste se za redovno finansiranje ove zdravstvene ustanove. Treba napomenuti da su sa stanjem 31.12.2016. godine neizmirene obaveze prema Kantonalnom zavodu za bolesti ovisnosti 10.800,00 KM, a odnose se na mjesečnu ratu za decembar 2016. godine.

Ukupni prihodi Kantonalnog zavoda za bolesti ovisnosti u 2016. godini iznose 2.055.915 KM (index 105), a ukupni rashdi 2.083.761 KM (index 109), odnosno ostvaren je negativan finansijski rezultat u iznosu 27.846 KM.

Najveći dio prihoda se ostvaruje po osnovu ugovora sa Kantonalnim zavodom zdravstvenog osiguranja (1.000.849 KM ili 48,7%), prihoda od donacija za metadon (32,7%) i prihoda od pružanja usluga ostalim korisnicima –kantonima (11,2%), dok

prihodi iz Budžeta Zeničko-dobojskog kantona u ukupnim prihodima učestvuju sa 5,3% (108.000,00 KM). Iz Budžeta Zeničko –dobojskog kantona je izdvojeno za 6.000,00 KM više u odnosu na prethodnu godinu.

Najveći dio rashoda se odnosi na bruto plaće za koje je izdvojeno ukupno 972.677 KM ili 46,7 % i izdatke za topli obrok za koje je izdvojeno 92.560 KM ili 4,4% ukupnih rashoda. Izdvajanja za metadon koja se finansiraju iz donacija jednaka su prihodima po tom osnovu i iznose 671.709 KM ili 31,2% ukupnih rashoda.

Treba napomenuti da izdaci za bruto plaće bilježe porast od 7,6%, a izdaci za topli obrok rast od 42,2 % u odnosu na prethodnu godinu.

Detaljan Izvještaj o poslovanju ove zdravstvene ustanove bit će razmatran na Vladi po okončanju usvajanja istog na Upravnom odboru Kantonalnog zavoda za bolesti ovisnosti.

## **2.5. Tekući transfer za Kantonalni zavod za medicinu rada i sportsku medicinu- (ekonomski kod 614300 subanalitika LAX 007)**

**Kantonalni zavod za medicinu rada i sportsku medicinu** učestvuje u realizaciji slijedećih programskih zadataka iz oblasti javno-zdravstvene djelatnosti: prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja, prikupljanje i obrada statističkih podataka o absentizmu u periodu obrade za IK, praćenje i analiza funkcionisanja službi medicine rada na Zeničko-dobojskom kantonu, identifikacija i procjena štetnih rizika po zdravlje na radnom mjestu, edukacija zdravstvenih radnika, aktivnosti na registraciji profesionalnih bolesti i povreda na radu, profesionalna orijentacija i nova zanimanja i tehnologije rada, promocija zdravlja-zdravstveni odgoj, osposobljavanje zaposlenika za pružanje prve pomoći i dr. Ukupni troškovi po navedenom tekućem transferu u 2016. godini iznose 22.500,00 KM, što je u visini planiranih sredstava na godišnjem nivou, a za 2.500,00 KM više nego prethodne godine.

Stanje neizmirenih obaveza po osnovu ovog tekućeg transfera na dan 31.12.2016. godne iznosi 1.875,00 KM.

## **2.6. Tekući transfer za Kantonalni zavod za medicinu rada i sportsku medicinu-zdravstvena zaštita sportaša (ekonomski kod 614300 subanalitika LAX 011)**

Zakonom o zdravstvenoj zaštiti (Službene novine Federacije BiH broj: 46/10) definisana je **djelatnost sportske medicine** tj. poslovi koji predstavljaju proširenje djelatnosti Zavoda za medicinu rada i sastoje se od:

- planiranja, predlaganja i provođenja mjera za očuvanje i unapređenje zdravlja sportista i učesnika u sportskoj rekreaciji
- provođenja preventivne zdravstvene zaštite svih registrovanih sportista-amatera kroz kontrolne, periodične i sistematske specijalističke preglede,
- specijalističke kurativne zdravstvene zaštite, liječenja i rehabilitacije oboljelih i povrijeđenih sportaša amatera.

U 2016. godini troškovi u Budžetu Ze-do kantona po osnovu Tekućeg transfera **Kantonalnom zavodu za medicinu rada i sportsku medicinu-zdravstvena zaštita sportaša** iznose 63.000,00 KM i u visini su planiranih sredstava za ove namjene na godišnjem nivou, a za 7.000,00 KM manje u odnosu na prethodnu godinu.

Stanje neizmirenih obaveza po osnovu ovog tekućeg transfera na dan 31.12.2016. godne iznosi 5.250,00 KM.

Treba napomenuti da prema novim standardima i normativima („Službene novine Federacije Bosne i Hercegovine“, broj: 82/14), finansiranje djelatnosti zdravstvene zaštite sportaša se ostvaruje dijelom iz sredstava Kantonalnog zavoda zdravstvenog osiguranja-50%, a dijelom iz Budžeta kantona-50%.Izdvajanja iz Budžeta Zeničko-dobojskog kantona su, prema mogućnostima Kantona, manja od iznosa utvrđenog standardima, po kojim bi izdvajanja za zdravstvenu zaštitu sportaša trebala biti 165.000 KM na godišnjem nivou.

Kantonalni zavod za medicinu rada i sportsku medicinu u 2016. godini ostvario ukupne prihode u iznosu od 2.529.224 KM, te da prihodi iz Budžeta Zeničko-dobojskog kantona u ukupnim prihodima učestvuju sa 85.500 KM ili 3,4% (sredstva za finansiranje javno-zdravstvene djelatnosti i sredstva za finansiranje zdravstvene zaštite sportaša). Ukupni rashodi Kantonalnog zavoda za medicinu rada i sportsku medicinu su ostvareni u iznosu od 2.696.662 KM, odnosno ostavren je negativan finansijski rezultat u iznosu od 167.438 KM.

Detaljan Izvještaj o poslovanju ove zdravstvene ustanove bit će razmatran na Vladi po okončanju usvajanja istog na Upravnom odboru Kantonalnog zavoda za medicinu rada i sportsku medicinu.

## ***2.7. Tekući transfer za Kantonalni zavod za javno zdravstvo-Institut za zdravlje i sigurnost hrane (ekonomski kod 614300, subanalitika LAX 008)***

U skladu sa **Prijedlogom Projekata Instituta za zdravlje i sigurnost hrane**, koji se finansiraju iz Budžeta Zeničko-dobojskog kantona za 2016. godinu, planirani su slijedeći projekti:

- a) praćenje i analiza zdravstvenog stanja stanovništva i funkcionisanja zdravstva  
Cilj navedenog projekta je steći uvid u zdravstveno stanje stanovništva i funkcionisanje zdravstvenog sistema, te na tom osnovu dati prijedloge za poboljšanje stanja. Izrađen je Izvještaj o zdravstvenom stanju stanovništva i funkcionisanju zdravstva na području Zeničko-dobojskog kantona u 2015. godini i isti je prezentiran Skupštini Zeničko-dobojskog kantona.
- b) prikupljanje i obrada zdravstveno- statističkih podataka i statistička istraživanja u zdravstvu  
Institut za zdravlje i sigurnost hrane dužan je da prikuplja određene zdravstveno-statističke podatke od zdravstvenih ustanova, obrađuje ih i prosljeđuje u Zavod za javno zdravstvo Federacije po utvrđenoj metodologiji.
- c) Nadzor nad akutnom flakcidnom paralizom
- d) nadzor nad HIV/AIDS
- e) antirabična zaštita

Ukupni troškovi po nvedenom tekućem transferu u 2016. godini iznose 22.500,00 KM, što je u visini sredstava planiranih Budžetom zeničko-dobojskog kantona za 2016. godinu.

U slijedećem pregledu su dati stvarni troškovi koje Institut za zdravlje i sigurnost hrane ima po navedenim projektima i vrsti troška

Vrsta troška	Praćenje zdravstveno g stanja stanovištva	Prikupljanje i obrada zdravstveno-statističkih podataka	Nadzor nad akutnom flakcidnom paralizom	Nadzor nad HIV/AIDS	Antirabič na zaštita ljudi	Ukupno
Bruto primanja zaposlenih	12.513	36.696	1.198	1.476	4.962	56.845
Troškovi grafičke pripreme, štampanja i distribucije	2.556					2.556
Indirektni troškovi	4.521	11.009	933	443	1.489	18.395
<b>Ukupno</b>	<b>19.590</b>	<b>47.705</b>	<b>2.131</b>	<b>1.919</b>	<b>6.451</b>	<b>77.796</b>

Aktivnosti koje su obuhvaćene navedenim projektima su uglavnom zakonska obaveza, te ih Institut za zdravlje i sigurnost hrane mora realizovati u obimu koji je neophodan za obavljanje osnovnih funkcija Instituta. Iz tog razloga su stvarni troškovi po projektima veći u odnosu na sredstva obezbjeđena Budžetom.

## 2.8. *Transfer domovima zdravlja-za mrtvozorstvo*

U skladu sa Odlukom o utvrđivanju visine naknade za obavljanje pregleda umrlih, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Službene novine Ze-do kantona“, broj:7/15), i Odlukom o dopunama Odluke o visini naknade za obavljanje pregleda umrlih, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona broj: 02-37-22337/15 od 18.12.2015. godine, Ministarstvo zdravstva vrši obračun naknada za rad mrtvozornika (planirana sredstva za ove namjene na ugovorenim uslugama). Ostao je neriješen problem pokrića putnih troškova i ostalih troškova u vezi rada mrtvozorničke službe, čija je organizacija u nadležnosti Ministarstva zdravstva u skladu sa Pravilnikom o načinu pregleda umrlih, te utvrđivanju vremena i uzroka smrti („Službene novine Federacije Bosne i hercegovine“, broj: 79/13 i 9/14). To je i razlog zašto na ovoj stavci nema evidentiranih troškova.

**MINISTAR**

**Dr Dragoljub Brenjo**

